

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA THELATHINI NA TISA

29 MEI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA THELATHINI NA TISA – TAREHE 29 MEI, 2018

I. DUA:

II. HATI ZA KUWASILISHA MEZANI:

WAZIRI WA ARDHI, NYUMBA NA MAENDELEO YA MAKAZI:

Hotuba ya Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2018/2019.

MWENYEKITI WA KAMATI YA ARDHI, MALIASILI NA UTALII:

Taarifa ya Kamati ya Ardhi, Maliasili na Utalii kuhusu utekelezaji wa Majukumu ya Wizara ya Ardhi, Nyumba na Maendeleo ya Makazi kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

321. MHESHIMIWA HASSAN SELEMANI KAUNJE (LINDI MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kuna mgogoro wa ardhi wa muda mrefu kati ya Wananchi wa Kijiji cha Mkwaya na Mwekezaji Durbali:-

Je, ni lini mgogoro huo utapatiwa ufumbuzi.

322. MHESHIMIWA ZAINABU NUHU MWAMWINDI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Shule ya Msingi Kipela Wilayani Iringa inahudumia Wanafunzi wenye mahitaji maalum (Albinism) lakini haina miundombinu rafiki, Watumishi wa kutosha, huduma za afya stahiki na umeme:-

Je, ni lini Serikali itarekebisha mapungufu hayo.

WIZARA YA MAMBO YA NDANI YA NCHI:

323. MHESHIMIWA MWITA MWIKWABE WAITARA (UKONGA):

Atamuuliza Mheshimiwa Waziri wa Mambo ya Ndani ya Nchi:-

Je, Serikali ina mpango gani wa haraka wa kukipatia Kituo cha Polisi Chanika gari la *Patrol*.

324. MHESHIMIWA MGENI JADI KADIKA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-

- Vituo vingi vya Polisi havina miundombinu mizuri na vingine ni vibovu na vichakavu:-

Je, ni lini Serikali itakifanyia maboresho Kituo cha Polisi Konde.

325. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Tatizo la Wahamiaji haramu hasa kutoka Ethiopia limeshamiri sana katika nchi yetu kwa sasa:-

(a) Je, ni Wahamiaji haramu wangapi wamekamatwa na kufikishwa katika vyombo vya Sheria;

(b) Kama wapo ambao wanaendelea na kifungo, Je, ni hatua gani za kisheria ambazo zinachukuliwa baada ya kutolewa kifungoni.

WIZARA YA UJENZI, UCHUKUZI NA MAWASILIANO:

326. MHESHIMIWA INNOCENT LUGHA BASHUNGWA (KARAGWE):

Atamuuliza Mheshimiwa Waziri wa Ujenzi, Uchukuzi na Mawasiliano:- Wananchi wa Bushagaro wamekuwa wakitengwa na maeneo mengine wakati wa vipindi vya mvua kwa sababu ya ubovu wa barabara ya Nyakahanga – Chamchuzi, na Mhe. Rais wa Awamu ya Tano wakati wa Kampeni za uchaguzi za mwaka 2015 aliahidi ujenzi wa barabara hiyo kwa lami na kuweka kivuko eneo la Chamchuzi:-

(a) Je, ni lini barabara hiyo itatengenezwa na kuweka kivuko Chamchuzi;

- (b) Je, ni lini ahadi ya kujenga kwa lami km 5 ya kianzio kwa ajili ya kutengeneza eneo korofi la “Kajuna Nketo” itatekelezwa.

327. MHESHIMIWA GRACE VICTOR TENDEGA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Katika nchi yetu kuna Kampuni za simu zenye ushindani mkubwa lakini katika Jimbo la Kilolo hasa maeneo ya Kimala, Kidabaga hayana mawasiliano ya Simu:-

Je, ni lini Serikali itazishawishi kampuni za simu kusimika minara yao kwenye maeneo ambayo hayana mtandao wa mawasiliano ya simu.

328. MHESHIMIWA HAMIDU HASSAN BOBALI (MCHINGA):

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa Kampeni za Urais mwaka 2015 Mhe. Rais Dkt. John Pombe Magufuli alifika Kijijini Nangaru katika Jimbo la Mchinga na kuahidi kupandisha hadhi barabara ya Mtange – Chikonji - Nangaru kutoka hadhi ya Halmashauri kuwa barabara ya Mkoa:-

- (a) Je, ni lini barabara hiyo itapandishwa hadhi;
- (b) Je, ni kwa nini Serikali huchukua muda mrefu kutekeleza ahadi mbalimbali zilizotolewa na Mhe. Rais wakati wa Uchaguzi Mkuu.

WIZARA YA AFYA, MAENDELEO YA JAMII, JINSIA, WAZEE NA WATOTO:

329. MHESHIMIWA KITETO ZAWADI KOSHUMA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
Hospitali ya Rufaa ya Bugando inatoa huduma kwa Mkoa wa Mwanza na Mikoa jirani ikiwemo Simiyu na Mara lakini Hospitali hiyo haina *CT Scan*:-

Je, ni lini Serikali itapeleka *CT Scan* katika Hospitali hiyo.

WIZARA YA MALIASILI NA UTALII:

330. MHESHIMIWA DKT. RAPHAEL MASUNGA CHEGENI (BUSEGA):

Atamuuliza Mheshimiwa Waziri wa Maliasili na Utalii:- Kwa muda mrefu kumekuwepo na migogoro mingi kati ya Hifadhi za Taifa na Wananchi ambao ni Wakulima na Wafugaji hali inayosababisha uvunjifu wa amani:-

- (a) Je, Serikali ina mpango gani wa kuhakikisha kuwa tatizo hili linapata ufumbuzi endelevu hasa maeneo ya Lamadi, Mwakiloba, Kijereshi na Nyamikoma katika Wilaya ya Busega;
- (b) Baadhi ya wanyama kama Tembo wamekuwa wakifanya uharibifu wa mali na mazao ya Wananchi wanaoishi maeneo hayo; Je, Serikali inatoa tamko gani la kuzuia tatizo hilo.

V. HOJA ZA SERIKALI:

**WAZIRI WA ARDHI, NYUMBA NA MAENDELEO
YA MAKAZI:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Ardhi, Nyumba na Maendeleo ya Makazi kwa Mwaka wa Fedha 2018/2019.

**DODOMA
29 MEI, 2018**

**S. KAGAIGAI
KATIBU WA BUNGE**

